



6. oktober 2021

UKA 2021/26

Uunga siunnersuut: Utoqqaat Illersuisuat pillugu Inatsisartut inatsisaannik allannguineq pillugu Inatsisartut inatsisaat

(Isumaginninnermut Sulisoqarnermullu Naalakkersuisoq)

Inatsisartut inatsisaata qulaani pineqartup, tassa utoqqaat illersuisuata allattoqarfiata pilersinneqarnissaanut tunngasoq, Siumumiik imaattumik oqaaseqasaagut.

Utoqqaat illersuisuata allattoqarfianut tunngasut allannguutissatut siunnersuutigineqartut Siumumiik tapseratsigit oqaatigissuarput.

Takusinnaasatsinni inimi pioreersumi sullivimmik annertusiliinissaq ingerlanneqartussaavoq, taamatuttaarlu sulinermi atortulersuineq kisimiikkunnaarnissarlu pisussanngorpoq.

Isumaginninnermi Aqutsisoqarfiup ataani inissisimasutut nalilersuivigineqartarnissaanik piunasaqaateqarnerup atorunnaarsinnissaa pissusissamisoorluinnartutut isigigatsigu oqaatigissuarput. Taamaamat sumulluunniit attuumassuteqarani allattoqarfeqalernissaa sulilernissaalu qilanaariinnarsinnaallutigu Siumumiik oqaatigissuarput.

Soorunami aalajangiussat suugaluartulluunniit naassanngitsumut atasussanngorlugit suliarineqarneq ajormata ataatsimiititaliamut ingerlateqqinneqarnerani eqqarsaatigisinnaasatut Siumumiik tunniukkusutarput tassaavoq utoqqaat illersuisuata sinerissap ilaani siunissami allattoqarfeqalersinnaanissaa ilanngullugu isumaliutigeqqullugu.

Taamatut oqaaseqarluta ataatsimiititaliami suleqataaffiginissaa qilanaaralugu ingerlateqqipparput.

Jess Svane

SIUMUT